

錢塘縣志卷之二十三

錢塘縣知縣南樂魏嶮纂

人物 孝友

孝庸行也實百行之先自服勞奉養以迄立身揚名  
 今之世得古人一行亦足以風矣乃徃徃學士大夫  
 反不如田野貧賤之子此何說歟錢塘之孝其類不  
 一或捐身報父讐或救親蹈水火死或至性過人哀  
 毀質身或終身不仕以奉其親要皆世之所難友者  
 孝之推能孝斯能弟孔子曰宗族稱孝鄉黨稱弟蓋  
 為仁之本而犯上作亂之所由鮮也雖稱其次宜亟  
 表之以風世云志孝友

漢

全柔

漢末舉孝廉補尚書郎右丞董卓之亂棄官歸州  
辟別駕從事詔書就拜會稽東郡都尉舉兵附孫

策策表柔為丹陽  
都尉徙林陽太守

宋

徐雄

文伯子克傳其家業工診察位朝奉請事母孝謹  
母終毀瘠幾至自滅俄而兄亡扶杖臨喪撫膺一

慟遂  
卒

齊

錢塘縣誌

卷之二十三

人物孝友

一

杜栖

字孟山京產子受學善清談名儒貴游多敬待之

數致禮國子祭酒何嗣治禮又重栖肥及京產疾旬日

冠儀以父老歸養怡情畝栖素及京產疾旬日

問便皮骨白支京產亡水漿不入口七日既殯晨夕

不罷哭不食鹽菜每營辦祭奠身自省視號泣不自

持朔望節歲慟絕而蘇嘔血數升時何嗣謝肫並遺

書敦警誠以毀滅至祥禫夢見其父一慟而絕卒年

三十

六

朱謙之

字處光父昭之假葬田側為族稱謙之年數歲所生母

產姊密語之謙之雖小便哀泣如持初喪年長不娶

永明中手刃殺幼方詣獄自繫縣令申靈勉表上別

駕孔稚珪兼記室劉璉司農左西掾張融與刺史

豫章王曰禮開報仇之典以申孝義之情法斷相殺

之條以表權時之制謙之既申私情又明公法今殺

之即為罪人宥之即為孝子殺一罪人未足弘憲活

一孝子實廣風德豫章王言之世祖世祖嘉其義慮

相復報乃遣謙之隨曹虎西行將發幼方子憚果伺

殺於津陽門謙之兄選之又刺殺憚有司以聞世祖

曰此皆義事不可問悉赦之吳興沈覬聞而嘆曰弟

死於孝兄狗於義孝友之節萃此一門論者曰火燎

尸柩何至手刃生人以致迭相仇殺殊不可訓然亦

足徵前代法網之寬而意在敦

教化原風俗也後世烏得及哉

錢塘縣誌

卷之二十三

人物孝友

二

梁

褚脩

父仲都善周易天監中歷五經博士脩少傳其學

善尺牘辨文章武陵王為揚州引為宣惠叅軍帳

宋

錢𩚑

字岳甫素以孝義知名嘗建傑閣藏書甚富蘇

軾曰錢氏藏書閣仕至直秘閣知荆南府

內記室性至孝父喪毀瘠過禮及丁母憂水漿不

入口二十三日氣絕復蘇每號慟嘔血竟以毀卒

毛存

父伯益坐流嶺表死存跋涉數千里函

公

高其行皆宗之號勿齋

郭義重

字處仁其先興化軍人早游太學以操尚稱年四處仁其先興化軍人早游太學以操尚稱年

貧甚不受餽遺聚土為墳手蒔松竹而廬其旁甘露降詔旌其閭後特奏名補官六十始婚以高年終

元

鮑信卿

字完澤六世祖瑞仕宋從南渡家於杭信卿資識粹敏慎重寡言涉獵經史過目輒不忘元

貞初詔州郡為蒙古學信卿習其語言文字至順初翰林寇學士嘗遊其門因以學習其語言文字至順初

母辭至正中江浙參政寶哥及郡使者復爭辟用終以母老不就人皆稱為篤行君子

明

錢塘縣誌

卷之二十三 人物孝友

三

姚文

杭州前衛左所軍早喪父事母盡孝身隸戎伍每晨出趨役必拜母而往暮還如之母卒擇塋地玉

泉山下詰旦忽有虎至其地跑而成穴遂塋焉天順二年旌表

馬純

字叔良其先西域人元末父景華避亂居錢塘弱

後當十日一墓省純如期必往哭甚哀奉母飲食必躬調以進得一美事或出外見一新果必歸奉母承

顏順色未嘗輕去左右或勸之仕日吾忍一日離吾母乎母疾徬徨營救形為枯瘁母歿號泣勺水不入

口者三日既葬搆一菴傍墓以居與人交尚風義其師歿無子為營塋奉神主於家塾

褚偵

字本中稍長喪母既壯喪父哀痛愁苦幾不能生

所居傍閱數寒暑二木驟拱高出屋數尋父歿後一日有風起樹未俄而怒號樹幾仆偵曰古人有欲養

不能逮者取喻風木天其警我歟與弟相向抱木哀號風乃止當事為篆風木軒揭其居

楊壽

字愷之天順丁丑進士授刑部山西司主事終廣西

其親親食始食居父喪毀瘠骨立二兄相繼歿撫其

遺孤同於己子在刑曹獄無冤滯理廣西戎政事無

孟春

年二十九為人傭得錢歸以供其母成化九年三

月初六日夜隣火燎迫其居母王氏方臥不覺春

劉均美

名醫性孝友異母弟勝生三歲父病且亟顧均

美指勝欲有所囑而不能言均美泣曰大人寬

心他日當如大人意父首肯始暝均美為教養娶妻

至生子盡以父產讓勝而自構屋北郭甘泉里以居

錢塘縣誌

卷之二十三

人物孝友

四

洪武間以閭右實京師居織錦坊仍以醫行喜蓄善

藥售不二價又喜施故四方市藥者日無算而丐藥

張璟

性孝友家累萬金悉讓其兄不留一錢自私父臨

殁語之曰為汝埋黃金首飾白金三千餘兩土中

金洪

事母竭盡孝敬嘗割胷肉愈母疾及歿刻木像工

以血塗之洪曰奈何以猪血汙母刺胷取血周塗

其像朝夕奉祀一如生時忌日哀號悲慟鄉里又體

母意養貧女弟及其夫子割產中分之未幾火燬其

翁浩

字世宏自少至老未嘗有偽言過行事亦屢告既

昏晨定省出必告反必面即一日屢出亦屢告既

世同爨人稱孝義

御棍良馬遣歸四  
郎洪家素封嘗輸萬金助邊孝宗欲官之洪固辭賜

歿亦必向本主告之不改嘗入京師在舟中忽心痛少寐卽見母病狀驚悟比歸母果感疾與兄弟子柝產浩時出遊還書戒其子廣平日吾誠耻是爾無取均焉廣平奉教田廬取其瘠敝者器物取其窳朽者人稱浩砥行教子不愧古人云

**郭金科**

家世勲廕父允臣業賈嘉靖丙辰金科年十六夜隣火起沿及其居金科身護幼弟文科從焰中出倉皇回顧不見父母遂付弟與隣人復急從焰中入衆挽不聽而父已焦頭爛額從焰中掖出火益熾一家十一口無脫者次早覓屍金已死尚握母手及二弟共斃表其閭曰孝弟之門仍春秋歲祀

**孫宗黻**

字仲文幼有至性六歲喪父卽知哀慕母楊鞠之相依爲命寒暑昕夕未嘗暫離及長益竭誠奉養每旦必具衣剋而甘脆必致有所告母或不應具以進雖資給不充而甘脆必致有所告母或不應則長跪請故深自引匿必得命而後起時物未奉母不以入口母或感微疾衣不解帶以侍湯藥奔走禱

**錢塘縣誌**

**卷之二十三**

**人物孝友**

**五**

祀無不至及母以大耄終哀號不輟居喪三年廬於墓側逮免喪後猶日榜一舟携飯蔬至墓所泣奠於左右有以地來售者宗黻慨然曰吾欲廣吾親墓而使若親無葬地可乎厚加稱貸而謝之人謂黻孝子能錫類矣及年踰八十病既革猶扶掖至母氏旌節坊下稽首謝國恩寵其終身不敢忘親若此成化間旌表

**林巒**

有孝行有司表其墓

**陳其志**

割股肉愈祖母病學使者旌其門

**王言**

字汝綸府學諸生事二親至孝親終哀毀骨立思慕不輟刻木像以事之正德十三年巡按鮮公廉督學劉公欲以廩餼之言堅辭不受劉益重之扁其

門曰淳孝

李巾華

湖墅人邑諸生萬曆中境大火中華自外歸已及其居父尚在舍與弟中楫入覓之不可得

二人遂與父俱焚死

王葵

字士忠右衛人少業章句不就乃學為古詩歌又能推其大旨以自力於孝弟旦夕羞養必躬親出入必告詣膝下肅揖親嘗怡色則喜否則懼戒家人母敢出聲伯兄歲行役京師葵請往父母曰爾代兄

勞孰與遣親安也葵即留治家囊不容一私錢母憐之與五金營兒女費葵辭不受暨父母亡兄求析居

業已均產葵顧妻取篋金七十五兩來仍兩均之兄愕問安所得金曰某年月日母與吾五金為兒女

者也吾息之幾年得此義當與兄共其出納具有時日不爽云

李端

字元貞世杭州前衛指揮僉事少勤問學累官溫處守備以親老告歸尋為湖廣都司使再懇歸養

親終端已老執喪哀慟如少壯有司旌之

錢塘縣誌

卷之二十三

人物孝友

六

凌立

字子中少孤事母以孝聞登嘉靖癸丑進士官比部明允有聲遷建昌太守多惠政為僚黨所忌罷

歸為人爽朗多幹畧事母色養備至老而彌篤母歿一慟骨立數月竟卒人謂終身之慕立無愧云

王錦

性至孝奉養必備甘旨二親寢疾湯藥必親嘗及卒哀毀骨立嘗習業山寺中一日曝魚頭百餘枚

人怪問之曰供大人朝夕之餘耳以貢終肅府教授子尚廩博學能文

何倫

字士明天性孝友方四五歲得所分鮭魚不食而藏之夕更薦父母稍長讀書至古人忠孝大節輒

撫几而嘆父病不解衣侍湯藥五閱月及卒哭踊不欲生凡附於棺者必竭盡其力不敢以貧故儉其親

及塋負土成墳與傭伍雜作哀感行路以母氏病勿克廬墓晨往暮歸蹙道嘗衝雪而僵遇所知掖

之返又嘗警於虎不為動歲大稔與妻雜採湖中菱芡共米菽而飯三時上食列簋如故母不知其為

首矣猶孺慕如喪父不少衰伯兄死無嗣俾其子為

嗣事丘嫂如事母買二地而封樹之以歸父母族之

貧死無言邑人有相訐以家庭事者倫嘆曰是不可

長也親雖不慈子不可以不孝乃為正俗八議上於

### 虞舜卿

字國賢少為諸生薄舉子業竟棄去日以古文

技藝方術書畫皆通而尤篤於孝友養母及其母所

愛子代兄漕瀆死不怨酬以沃田轉授諸侄一日哭

跡矣夜奔視母疾雙燈自移引路人以為孝感所致

### 錢華

字文谷天性篤孝嘉靖辛酉壬戌聯捷年未弱剋

旋擢禮曹釐定藩制貴戚側目華慨然曰孝友亦為

## 錢塘縣誌

## 卷之二十三

人物孝友

七

天倫之樂

### 童漢臣

字仲良嘉靖乙未進士為江西道御史簡按山

天下事矣疏入謫楚藩都事聞父訃奔歸家居十年

蕭然終老會徐學詩疏嵩不法事謂其矯詔傷直臣

列漢臣名起廣東都事累遷泉州知府平彭湖寇賜

白金采幣尋陞江西副使以母老乞骸生平篤孝好

### 嚴調御

字印持有二弟武順敕皆太常卿大紀之子太

人為置貳楊夫人天生調御小字曰高李夫人生武順

敕調御九歲而孤天性孝友諸母在堂若不知為異

母兄弟也鄉人為之語曰閨門濟嚴高兄弟一門

自相師友四方賢士大夫道武林無不願一接三嚴

卒躬為扶

櫬還鄉

者與同里聞啟祥善啟祥歿時調御方六十却賀者曰我方哭寢門之外豈以犬馬齒忘我良友耶為廢舉觴未踰月調御歿武順葺其家門酬和之詩日三嚴作朋集已敕疾篤武順在禹航聞弟病遂一臥不起蓋自太常以來三世同居一門雍睦亦希有事也

### 傅齡發

字長含弟齡熙字長穆並儀部巖子巖在金華城破不屈刃將及熙時年十四以身蔽翼其父

刃著於頤而死發起救矢洞左腋而仆少頃復甦見父弟死慟曰吾一家可謂無負國恩矣遂以手抉其創創裂而卒時三屍皆枕深草中三日巖妻姜與其長子齡文始克殮荒山無人僅收其骨遂各以墨志其髀股匣之以歸後二十年始克葬於祖墓之傍發熙皆有文名發秀整熙雄健與其伯兄文號三俊俱狗父兄之旤節烈孝友出於一門

### 國朝

### 錢塘縣誌

### 卷之二十三

人物孝友

八

### 虞鈞

字峻民邑諸生少孤事母至孝家貧教授供母後得歡心母病醫藥不効鈞割臂肉以進病遂愈後

母卒廬於墓側無力庀材僅築小舍中設六尺卧具不容起立早出受學暮宿廬中常夜深雪數尺迷失道陷大澤中止露肩頂呼號曠野杳無人跡自分必死忽守墳者持燈出門聞鈞聲趨救之詢其故曰頃因卧不安席一似有迫予起者初不知孝子落坎也手奉之族中有未葬者二十餘棺鈞出資為之窆窆一日家絕糧貸於友得米五斗負歸途遇發棺者即其疎族欲鬻墓木於人鈞因痛哭守之不去其人懼而逃鈞以所貸米設法埋之比歸家已三日不舉火矣鈞飲可一石母歿終身不御酒肉乙酉後絕意進取躬耕自給年六十一而終其兄子汝翼有文名見

### 苑文

### 應尚倫

字思橋性純孝年十一喪父因壕下故業養母柴自傷背父茹素四十餘年娶婦張一故語忤母



尙倫大怒立召親黨議出之母反覆慰諭乃止自是  
婦姑更相愛婦張卒柴感其孝慟不欲食逆風失音  
手足不舉尙倫爲母病延醫百方救之三日而起已  
而復病者七年周公宗建令仁和旌以篤孝尙倫性  
慷慨喜施與設粥糜以濟饑餓燃火炬以照行旅爲  
棺槨以施死亡巡鹽侍御傅公宗龍聞而善之亦發  
金助焉子搗謙讀書好古以聖賢自  
命周規折矩爲一時名儒見理學

### 陳向榮

字雲來自姚江徙杭七歲善屬文補邑諸生性  
純孝父患肺疾已久然喜飲酒飲不劇則咳滋

甚家貧偶絕炊未嘗不備甘脆供名釀以奉色笑自  
館舍歸必取中裙廁踰親自浣濯積十八年如一日  
向榮念父久病遇飲食不忍下箸嘗館於友人方張  
坐取酒念父卽告歸有吳太學者延之江寧期來歲  
五月返臘月下浣向榮忽心動告歸留之不可時江  
行有阻乃從孟河入南徐走險抵家父大喜歡笑如  
平常詰旦則溘然逝矣人以爲孝感所致向榮廉正  
剛方不苟言笑顧喜排難人急自刻死期人咸

## 錢塘縣誌

### 卷之二十三

#### 人物孝友

### 九

異焉有子廷會孝友廉潔棄諸生教授里中  
與應搗謙俱稱爲武林篤行君子見文苑

### 方杰

字子凡品端學醇天啟辛酉舉京兆試例謁選得  
縣令杰以其父老病遽引疾歸不赴公車者十五

年益勵節操絕跡公庭著自警數則崇禎十年舉賢  
良方正當事爭欲引之終以親老力辭司鐸旁邑旋  
引去性素仁厚嘗置義田以贍親族值歲稔與同志  
設粥廠食饑者國朝督學鄭開極特允輿請祠祀  
鄉賢子天搢邑庠生  
能文工書以篤行稱

### 顧大觀

字維垣其先上虞人徙居錢塘父恒宇客死於  
粵大觀時年十二迎喪於粵以孤童行萬里踰

大庾嶺歷十八灘每際險輒呼天哀籲路人爲之感  
涕經小孤颶作江豚噴沫若雨舟覆者數矣從者皆  
無人色大觀伏柩哀號颶忽止舟中人額首日吾輩  
幸免魚腹賴此孝童耳事大父及母陳皆以孝聞與  
弟友愛無間年各六十猶同爨而出入錢穀簿籍無  
私宗姓無親疎悉敦睦或婺而能守孤無依者悉真

諸家或廩之終身乙酉亂兵掠子女流離道上傾橐  
中裝贖之還其父母少穎異與張壩五諶交有聲  
於太學以例選應得椽幕屬慨然

**錢瓚**

字仲瑟父九臯生三子長瓚母何出瓚與琮母沈  
出九臯為龍驤衛參軍以瓚與其弟琮從未幾卒

於官瓚時纔八齡哭泣如成人母沈以九臯遠宦客  
亡欲以身殉瓚驚號伏膝下請曰越家三千里父既

棄兒母子相依為命痛不欲生兒亦相從地地矣  
沈聞其言痛絕持之泣始勉進七箸母病禱嶽神願

以身代夢神謂曰上天見汝精誠功令母更延一年  
事伯兄如事父出入必稟命弟琮幼怠於學立責之

且泣曰汝不力學何以慰老母乎琮卒為名士瓚資  
性醇謹雅不喜章句獨精於易又以聖學務精體用

凡禮樂兵刑農田地利河渠賦役等書編纂成集少  
為博士師若雪之間從遊者戶外履滿性謙至老益

恭以長子世清貴累封  
觀察年八十有八卒

**錢塘縣誌**

**卷之二十三**

人物孝友

十

**吳暉**

字宜中生有至性年十二父紹昌以貢赴闕感陡  
疾卒於舟櫂歸暉跌奔哀慟欲蹈水以殉念有母

在中止事母備極孝養年五十猶孺慕比終過時而  
哀每諱日易服涕泣如新喪事諸兄友愛叔紹達喪

子心欲暉為嗣暉以禮當繼孫而子筠又居長無已  
以次子籀嗣遂經紀其兩世喪皆葬獅子峰下後自

營葬即附其傍曰吾以此慰叔心生平尤篤友誼性  
嗜學以明經教諭分水年八十七卒子筠庚午解元

己丑成進士盛負  
文譽克光父業

**徐德延**

字解脩生秉至性文名籍甚父崙早世奉母孫  
備極色養母病革拊其背曰青紫非他物當從

汝斑衣中來耳居恒輕貲財排患難里閭推為祭酒  
順治十八年舉鄉邑廩會其子孺芳成進士歸圭幣

盈門郡  
人榮之

**王均**

字以進以壬午登賢書乙酉父道焜殉國難均乃散  
和

衣麻向墓門長號不絕遽骨  
立服闕謝絕世事尋以疾卒

### 項大章

字孟峻九歲能屬文試輒剋多士事父鳳州至  
孝隱處有痼疾日佩艾囊經宿一易章必手為

之易弟大烈遭危疾躬調湯藥所遺子女為之教誨  
嫁娶經紀一切辛已歲大饑捐貲為粥食饑者同里

十餘戶負國租催科甚峻閭門聚哭將鬻其妻章為  
輸納得免嘗語人曰人好競處之以恬人好爭處之

以忍然於是非所在往往義形於色舉丈夫子五次  
子景襄為兵部左侍郎誥封弘文院檢討年六十六而卒

### 徐欽安

字翼鄰邑諸生有文名自幼儻負大志父友  
夏爨仲陳卧子諸先輩甚器重之事親以孝著

叔卒為仲弟完姻母舅亡為治喪舅母及娣居孀  
恤備至撫甥如子親族稱其友義國初

王師征閩募民操舟凍餓多死於道安上議於當事歛民  
財貼船戶船戶倍利而民免死至今定為例民賴之

且輕財好施援人之困鄉黨莫不敬焉母病醫不效  
禱天以身代一日忽語子曰吾得請於帝矣翊日即

## 錢塘縣誌

## 卷之二十三

人物孝友

十一

卧疾三日不起母病得  
愈以子潮貴贈如其官

### 洪翻

字鷺公號雪巖都御史瞻祖曾孫也少折節讀書十  
四補諸生試輒冠軍其為古文詩辭鎔鍊歸於大雅

明季文社盛行幾釁鈎黨之禍翻力為維挽三吳之士  
賴以無患晚遊太學考授邑丞生平於門內之行甚篤

父殉邵武任時聞途多伏莽從間道荆棘中行徒跣奔  
喪哭甚哀路人為泣下母病顛天請代目不交睫者浹

旬後母歿治喪極哀盡禮嘗捐腴田五十畝充歷祖蒸  
嘗輸貲修葺宗祠復捐田助時享國初駐防旗兵多

假樵蘓名輒伐隴木翻力請於鎮將軍圖公著令樵採  
毋許攬大樹犯者罰無赦兩山蔭木賴以保全云子應

星熊星成進士弧星舉人孫清塵丁酉又登鄉薦承  
忠宣襄惠之裔累代簪遺一門甲第皆世德之報也

### 霍祿科

康熙五年隣火祿科父萬言年八十餘蹒跚未  
出祿科冒烟救之文舉復入救其祖父俱遭焚

次早見文舉灰骨猶跪依祖若父膝前里隣  
憐其孝請旌巡撫范承謨具疏特題報可

何蘭旌

字湘來生而孝友父死蘭旌年已四十哀慕如孺子泣母病侍湯藥十四晝夜不解帶目盡腫

每自念寡兄弟撫從兄弟如同懷嘗歎曰譬則一本皆吾父母同體也歲辛巳大侵給糜粥施藥餌全活甚衆少為名諸生經史百家靡不通貫尤精於易性好朋友始終不替與人解紛息事定終不言功祖母陳年二十四而寡撫孤有成飲冰茹蘖五十九年母八十有二以壽終及疾革蘭旌一慟幾絕子喬雲康熙丙辰進士孫瑾栗等皆登鄉薦人以為節孝之報

錢封

字軼秦五歲通孝經見客酬對中節從祖相國文貞公鍾愛之善屬文屢試棘闈中乙科者再父士璋隱居赤霞山儻不為生產計封遂兼綜家政絕意進取性孝友年十三執母徐喪里中稱為小孝子

繼母林娶四載而歿又室其女弟當是時封以一身事三母并撫四弟食指浩繁皆仰給一身詎諱時聞一以寬和處之甚至情理所難無不曲順親意蓋有王祥薛包之行其後同母異母弟皆早夭嫠婦孤兒

錢塘縣誌

卷之二十三

人物孝友

十二

撫循顧復不遺餘力父年八十封晨夕承歡有嬰兒色父嘗嗜鵝炙值早禁屠宰不可得封間行隘巷得之市者懼禍匿勿予封告之實市者見其誠迫乃出炙納諸懷中亟歸酒盞猶溫見父啖之甘融融以喜其艱苦行孝類此壯歲喪耦王鰥居四十年日恐來人不能如元配賢同族有負官租借營債者皆竭蹶代償外王舅別駕徐一源殉難歸德迎其親屬養於家而後母父無嗣為構別墅居之順治巳亥親屬養於江浙紳士抗糧下令考核封以吏胥飛灑嫁禍言於撫軍白其冤全省得免吏議所居東里累於門攤丁役相率逃避年七十六壽終以子彥雋封儒林郎孫日人為隕涕年七十六壽終以子彥雋封儒林郎孫泉登乙酉鄉薦授中書

陸寅

字剋周吉水令運昌孫父圻世所稱麗京先生者也寅幼而穎悟能詩性孝友年十六圻罹無妄家

無少長被逮寅亦見收就獄三木之屬擇輕者與尊行而獨取重者兄某憐其幼弱欲易之固爭勿釋獄

吏爲之感動三年不歸音問杳然寅以一身外遊寅哭挽  
之勿得圻三年不歸音問杳然寅以一身外遊寅哭挽  
下撫弱弟妹皆盡心力會母歿寅遂治裝出門徒步  
訪父歷東粵庄廬洞庭湘潭還經天台剡中復登泰  
山涉沂水凡荒崖絕壑深林窮谷靡所不至其最險  
幾殆者莫如海上二嶗蓬萊爲甚如是者十餘年釐  
面重胝水宿風餐絕無退念康熙丁卯戊辰間經燕  
冀遂應京兆試聯捷成進士益欲效朱壽昌故事求  
親終不可得見哀慕勞瘁嘔血而  
卒年四十三著有浣花集自知錄

**范文燦**

字仰雲性至孝父梓構危疾刲股和藥甫投頓  
愈事伯兄甚謹析產則推肥就瘠子五人能承  
其志三世同爨里中稱爲孝  
友孫允鏞成進士官侍御

**何之銘**

天性純孝父死母屠有清羸疾每夕祝天願以  
已算益母壽遂至八十八而卒初娶陳後娶杜  
皆無子因買一妾於馮方入門其父泣而言曰予舊  
族向償官糧暫鬻女奠後贖今馮賣女於公累世德

**錢塘縣誌**

**卷之二十三**

**人物孝友**

**十三**

矣泣下之銘慘然即日命攜其女去杜後連舉二子  
之銘止一女弟以母素所憐愛遂贅妹婿同居族孫

女二人失恃之銘力爲匹配杜  
亦有婦德能相其夫成善士

**張璠**

字魯毓邑諸生十歲喪母事繼母克盡子職有兩  
弟一爲同產早攫疾卒力勞喪殯撫弟子女如已  
出異母弟式愛若同胞獎勸成名中癸巳舉人父卒

之際遺有逋課追呼百出兼邁奇荒璠以一身仔肩  
不以纖毫分累兩弟蕭然懸  
罄泊如也子恂亦有文名

**吳文清**

字元鑑父岷泉慕神仙遠遊不歸文清年十四  
告母尋父畏糧歷諸省會險阻備嘗卒從中州  
物色得之相抱痛哭堅請乃歸色養備至友愛兄弟

撫猶子如巳子有司屢辟薦以親老力辭後清病子  
弘模割股祈代康熙甲子模  
子耀舉孝廉人謂積孝所致

**凌紹乾**

字健中康熙巳卯副榜第二爲人嚴氣正性  
矜惜名節父病籲天願以身代奉母盡孝母卒

哀慟骨立卒賀其身問里推為純孝生平博聞強識  
手註經史性理諸書有問是師是移是因是等集及  
瀟碧齋稿榕城偶吟  
行世後從祀鄉賢

### 張淳

字君陳性醇謹少孤養於伯父一讚家後又繼叔  
一賢後淳事之如一承歡笑伺顏色母蔣寡淳陳  
諸有司以三十年矢志禮當旌門有司許焉淳少不  
事生產有餘即散窮乏年七十二卒淳從兄清字濬  
之淳少師事沆沆老於諸生年至  
八十兄弟友善相問一年而卒

### 潘之洵

字漢甫性至孝事父母先意承志唯諾必謹兄  
之洵早死其嫂何哭之哀之洵懼傷父母心跪  
泣而請何感其言遂止何十九  
而寡事之五十餘年不少怠

### 王一麟

諸生少孤力學母邵哭父失明悲痛舐目復  
明母又病噎麟禱於神請以身代母夢神賜劑  
而愈祖母高患癰麟侍湯藥衣不解帶累月臨喪哀  
毀骨立膠庠以孝聞康熙九 巡撫范承謨疏 題

## 錢塘縣誌

### 卷之二十三

人物孝友

十四

得報旌其門  
給銀建坊

### 黃扉

字階晉食餼錢塘居母喪三年茹素擁草  
蓆宿總帷前歲時伏臘未嘗一入內閫

### 張渭芳

同倫之子母沈氏病篤渭芳年十七祝天割股  
進母疾遂瘥後復發欲見其媳父即為娶媳  
江氏女入門年始十六見夫以割股得驗亦潛割之  
剪深見骨暈而什小姑見大呼江亟起掩其口而陰  
以肉煮藥奉姑病仍已江  
以新婦為此尤人所難

### 李綱文

字友臯少有志行事父母備極色養父罹劇疾  
綱文刺血書疏膝行至吳山禱於城隍歸即割  
股以進父病忽痊未幾母又疾篤綱文亦祈神割股  
母病復愈子二長天 舉人 次國柱 儒學教諭

孫芝歲貢莊戊子舉人 蕙歲  
貢士葉菁林元皆有聲庠序

### 周鰲

字輿載世居江滸以厚孝弟友愛無間以故終  
鰲為家督慕張公藝風與諸弟友愛無間以故終

得其身乃諸弟絕分不敢言析箸事後鰥卒食指別授

應分霖已悉散族人之貧乏者又霖不得異視已而弟中

落霖復贈以多宗族有艱於昏別駕者揮乙未進士

王之英字延叔三歲失門子哭泣如成人學文有聲聞

周濂字離一遠夕父詔之曰而色養家貧依膝下不

語一出應大僚幕府之招每得父手書拜人而後珍物

少濂不敢食曰吾親未嘗也必多方覓人以郵致之撫愛

陳堯湘字雍明九歲而孤事孀母邵竭盡孝養母多病

叔亡撫育弟妹同居合爨侍側呼天號顛願以身代

困諸事尤不勝舉鄉評翕然稱盛德焉

錢塘縣誌

卷之二十三

人物孝友

十五

戴育奇

字畏菴幼孤家徒壁立稍長以不及事父為泣

逆藩之變奉母避兵難困苦私罕及焉

吳必英

字懋功家貧力不能得甘膳養母因業癆有酬

效俄而鄰火肆虐英長跪前曰披髮徒跣繞棺奔

走呼號四鄰皆自顧莫能相助英翼棺獨以手

高稍衣履盡燬頭髮皆灼而抱持棺益固噓跳聲益

死惜無嗣尚泣以頭搶地謝救者不出信宿竟以火毒

胡乾生

字旦明八歲而孤母出惡聲鞠之兒時嬉戲擲瓦

一指血淋漓且跪泣曰從此改矣乃折節讀書

諸書每漏去復來由是徧體皆痛乾生禱於神夢群神

飛啄之毆去復來由是徧體皆痛乾生禱於神夢群神

告之目此孽綠奈何乾生遂茹素終身為父懺悔疾  
小愈後母復病且亟乾生聞東嶽為司命之神往虔  
禱之請以已十二年生數代其母神復告之曰如爾  
願爾壽不永矣乾生頓首謝而母病果瘳至十二年  
果不起乾生又三年亦卒次子穎紹亦孝母喪明  
穎紹百計治之不愈聞親子女以舌舐乃愈遂如言  
果復明

### 顧蘭

諸生鄉試作五經題以越格被擯纂修前朝實錄  
藝林稱為外史嘗割產以讓兄膳養寡嫂三十年  
如一日因祖籍代役軍伍乃力  
請當事豁王氏軍而復本姓焉

### 朱高治

字培宗廩貢生性至孝少即割股救父其妻吳  
在室時能剖臂愈父疾至是復與夫同剖以救  
其舅及夫疾革又剖臂焉冰霜白矢奉姑  
能代子職訓子儼如父在撫庶不啻已出

### 汪潭

字千尺事父母能得歡心父病顛天割股得以愈  
後歿哀毀盡禮與弟滄友愛無間同居共爨生平

## 錢塘縣誌

## 卷之二十三

人物孝友

## 十六

不別設筭篋一錢尺帛無所私弟亦恭其兄垂老不  
敢自擅必諮後行兄出逮夜必伺歸乃寢後滄疾革  
握兄手不忍訣兄亦以痛弟故不匝期卒子  
孫感其義至今不分析臺使者歷旌其門

### 馮光裕

九歲父卒哀毀如成人及娶李有婦德事寡母  
以孝謹聞後母病光裕割股以進夫婦顛天願  
以身代母  
病即療

### 孫敞

字愷殷幼攻經史輒購異書以資博覽善屬文入  
太學為上舍生父嘉琰性友愛兄嘉琦乏嗣乃以  
敞出為兄後會琦病甚敞嘗藥滌膺衣不解帶者浹  
旬尋病愈後復舉弟敞親愛之踰於同懷人謂有薛  
包風及琦沒酷暑目走溪山營窀穸遂致勞瘁卒隕  
其身素性豪邁名士賢達與之縞紵定交共相投契  
樂施與每歲絮褚以待窮寒本生父嘉琰沒敞雖  
降服仍心制年以長兄瞽目卵翼其弟姪子之敞雖  
歲貢生之驥佐之駿郡庠生之驛州佐之驪  
司訓叔季早之驥能承父志教育猶子成立



姚廷瀧

字震青郡庠生年十三母孫氏疾篤虔禱於嶽神請以身代復謀割股以療外祖母窺知之憐

其幼力止之瀧曰若得母愈何惜此

項毓楨

諸生有文名因父病禱白岳值風濤覆舟瀕危猶哀號曰倘父病得生且值風濤覆舟瀕危

子景脩哀毀骨立勉強治喪迄襄事

何兆斗

字吉文性素孝謹父偶失足墮樓項折氣絕莫救斗驚泣搶地顛天血流被面父忽躍起曰吾

數當絕賴子積孝格神使活斗益虔顛父齡後竟耄終執喪哀毀既殯日必省墓一日渡舟失足亦若神

掖且曰爾當水厄以孝增紀後果十二年而歿事

陳鳳起

父鵬母張患血症起遍求醫藥不愈遂茹齋日夕顛神願以已算益母果延齡者十年至辛酉

母病劇起倉皇無策復割股進終不可救欲絕粒以殉念父老勉餐而股瘡復裂垂斃閭里具聞邑令遲

錢塘縣誌

卷之二十三

人物孝友

十七

忻欲上其事起泣辭特旌其門

吳琮

字魯園少能文貢太學廷試第一擢國子監學錄一時名士集都下咸師事之尋秋曹出疑獄數

十人大司寇蔚州魏公甚器重每取咨焉性至孝甲寅閩變負母避亂山中遇虎咆哮而前琮厲聲曰母

驚我母虎視遁去著有輯柳齋詩集子登賢書筮郡守

倪蘭

字畹公生有異徵重瞳三乳四歲祖中翰璠抱置膝上讀書即能隨誦十三赴童子試文多奇句性

尤至孝幼侍曾祖母寢善承溫清嘗隨祖往謁蘋村徐少宗伯摘問詩文應對如流因贈以時果不食懷

歸奉母徐益異之母顧體素疴至是有身而病蘭旦夕顛天祈以身代未幾母病益篤蘭私語其兄曰母

病已成倘免身不起吾何以生為顯揚之報在兄與弟矣兄聞言心動越二日母歿蘭哀慟無措既視飯

舍潛往密室自經時年才十有五為康熙庚寅六月方炎暑鬱蒸屍留兩晝夜如生青蠅不犯閭里喧傳

欲上請旌詳  
溫棐忱傳

### 王冲翰

字素修郡庠生孝友性成祖病刳股以進目不  
交睫不解帶者十旬國初兵至冲翰以妻病  
獨守空舍兵怪問答曰妻病不能偕往吾去彼且餓  
死義不忍也兵相戒勿犯其家營地將壘親或謂壘  
法宜中子於君非利弟脩玉請別杆冲翰不可曰窀  
窆以寧先人何論弟利吾利乎其篤行不惑如此老  
貧喪子以  
弟子後

### 徐周官

字又旦國學生性純孝母病劇嘗湯藥侍床蓐  
不離左右者月餘及歿哀毀骨立人稱死孝事  
父尤能色養花晨月夕邀父老友聚飲以娛親意少  
鮮兄弟友愛諸姊甚篤嫁時贈奩倒篋不少吝  
鄙戚中貧乏者周恤備至賴以舉火者數家族人國  
課不能償悉周官代輸歲以為常貧不能葬及無後  
者皆周官為之維持  
經紀鄉里咸慕敬焉

## 錢塘縣誌

## 卷之二十三

人物孝友

十八

### 傅夢熊

傅相子年六歲失怙母路氏教之書史兩三復  
輒能記憶八歲能文間里目為神童家貧棄書  
習會計母病時割股以食及母喪七日不食人勸勉  
之始飲水每哭泣必至嘔血凡歲時伏臘及忌辰祭  
祀無不痛哭終身不衰至事祖  
母屠氏益謹人皆稱為純孝

### 王法平

字斧兩父寅見忠節傳法平賦性純孝工為文  
補郡庠生試輒高等當明荒亂之際奉母茹備  
極甘旨歲甲寅母嬰痼疾卧床蓐三載平勤侍湯藥  
寢不解衣一夕夢神人授以藥方如法服之即愈明  
年學使程汝璞遣使賫金來聘平以母年邁固辭尋  
遇恩詔浙撫陳秉直以茹苦節上聞蒙邀旌獎  
及茹歿平枕苫寢塊日惟進三溢米身不脫經帶時  
有白鳥止於庭服闋始去平年五十三歲卧疾不起  
自以父忠母節不獲顯揚力疾著成忠貞兩錄讀之  
嗚咽不已氣結而終人皆以平為孝閭里胥感化焉  
康熙四十年杭郡守張  
恕可祀其主於先賢祠

潘學經

字明六生而英異孩抱時便已崢嶸頭角不共

人先是堂上得學經晚鬻螟蛉家業悉委之後螟蛉者攫所有去人謂學經盡訟之拒納曰恐傷吾父母心自念失怙恃早不能盡人子一日職終天抱恨每一念及輒潛然淚下遇諱辰素服承祭竟日不言笑自少至老無改移年八十五卒子達嫻經術斌才畧過人通籍仕承德郎贈父如其官

盧必陞

字冢臣號王茗性至孝叔無子以陞嗣奉本生

其時莫致必陞攜筐採取風潮忽至沒於水漁者救終不釋手蟻蠅得土寇竊發所嗣父為賊俘必陞追赴被擊暈地復匍匐往探繞岸哭三晝夜不絕聲艱阻備嘗瀕于死者數矣賊勢潰間謀者逸之出偕與歸遷徙遠居乃免于難前後遭兩大人喪極誠盡信殯葬務從厚雖支詘不辭讒人交構紊亂宗祧必陞處以晏如無尤怨卒能彌縫闕失靡有間言蓋其孝友根心利害死生安之若命生平不矜崖異循

錢塘縣誌

卷之二十三

人物孝友

十九

道溫喜施與族黨知交薰其德而善良者不少年七十四卒子四賢發堅獻皆通籍有才名

趙啟裕

字奉先代有聞人啟裕天姿醇茂舉止安詳總角時共兄若弟嬉戲二人前推梨讓棗其天性

也年十二父歿奉母錢承歡色養備極情文常遊閭適道路阻隔啟裕瞻望鄉雲涔涔淚下恐貽母氏憂兄患惡疾不可近之染啟裕扶持奉事起居飲食必與偕夜且共床寢兄疾瘳亦莫染為兩弟畢婚娶謀生業或貲本虧仍給與無所吝其他懿行未易更僕數千金章孫大鯨以能文名

陳季方

字元師號友菴慷慨任俠篤於彝倫父章光歿

天求代以口吮其毒疽隨愈終身孺慕其天性然也宗族里黨上其事於學使者請題旌之令建坊焉

盧矩

字亦馮十五遊庠二十登賢書至性過人奉寡母

洵至矩婦家甚愛其女厚贈有田矩貿以給喪費不稍吝其妻陳亦無幾微德色人以為難

俞三得

南壁里人少貧賤屑菽爲腐杭俗重炙鵝三嘗市以供母念已貧且老爲弟娶婦以嗣父祖

母終哀毀如嬰  
兒啼未幾亦卒

論曰孔門四科首言德行而不言孝

者閔子

一人而已若曾子聖門高弟得聞大道孝經一書與曾子問答獨詳而曾子之言孝又莫詳於戴禮乃曾子不以孝名何也其所全者大也夫孝百行之原人固有功業震天壤而不無門內之憾亦有獨行在側陋而不必譽聞之著者名與實不同則真與僞分焉爾自東漢書別傳孝友而德行孝義始分爲二余讀

錢塘縣誌

卷之二十三

人物孝友

二十

其書建武以迄黃初二百餘年纔十有一人而已吾錢邑從杭府志則自晉及明千三百餘年又僅得十人甚矣孝之難也漢以薦辟求賢才故士多節操敦孝弟公卿於焉交聘朝廷爲之側席而巨孝之名聞於天下猶且辭讓者再至隱約以終其身者名在史籍也乃及其敝而尙有舉孝廉父別居之謂豈非名過其實歟攷明志所載亦皆以微賤著聞豈聖人所謂立身行道黑名於後世者百不得一二人歟今自明萬曆及我

皇朝又得如于人然則孝魚神雀湧水飛錢之異至性所  
感天爲之應奚必古合人遂不相及耶